

حقوقى بىلىملىكلىرىنىڭ مجموعهسى

ھەر بىر كىشى ئۆزىنىڭ بىلىمىنى ئاشۇرۇش ئۈچۈن بىلىملىكلىرىنى ئۆگەنىشى كېرەك

محترم مسلكداسم استانبول اجرا رئيسى احمد رفيق بك افندى ده حيز احتياطى بى
آرى بر مقاله ده تدقيق وعد ايتش اولدقلرندن بومسئله ده دها فضله توقف ائتميه جكزه.

حقوق فاكولتتى مدرسلرندن

مصطفى رشيد

يكي اصول محاكمه حقنده سرد ايديله جك مطالعهلر مجموعه يه درج ايديله جك وبونلر
حقنده ايجاب ايدن جوابلر ويريله جكدنر .

نوط : مصطفى رشيد بكك حقوق اصول محاكمه لرى قانونى حقنده كي مابعد مقالاتى
كثرت مندرجات طولاييسيله كله جك نسخه مزه ناخير ايدلشدنر .

۴ ناملوى - بغدادده مېر بوللرى

حقوق مشاورى : عربى

فانونه مدنى

رسمى سندلرك قانون مدنى ايله حقوق اصول محاكمه لرى

قانونى نظرنده كي وضعيت حقوقه لرى

اسكى اصول محاكمه حقوقه قانونى موجبنجه سندلر ايكي نوع اولوب برى رسمى
سندلر ، ديكرى عادى سندلردنر . كاتب عدلدرجه رأساً تنظيم اولتان سندلر رسمى
سندلردن معدوددر كه ساخته لكلى اثبات اولونجه يه قادر معمول به اولملى اعتباريله
بر محكمه اعلامى كې اك قوتلى وئائق قانونيه دن عد اولنورلر . بوكې سندلره قارشى
درميان ايديله بيله جك يكانه اعتراض ساخته لكدر . يعنى بونلرك حائز بولوندىلرى قانونى
قوت وقيمتى اسقاط و بناء عليه معمولتلىرى ازاله ايديله بيله جك يكانه طرز مدافعه ، بونلرك
ساخته اولدقلرينك اثباتيدر . بناء عليه ، بوكې سندلرك مندرجاتلرينك خلافى حقنده
درميان ايديله جك هيچ بر ادعا مسموع دكلدر . حتى بو سندلرك ياكش اولدقلرى

تحقیق ایتسه بیله ، ساخته کارلق جرمی اثبات اولونمادجه ینه تصحیحلرینه امکان یوقدر .
برده عادی سندلر وارکه بونلرده خارجاً تنظیم ایدیلوب یالکیز امضالری کاتب
عدله تصدیق ایدیلن ویا هیچ تصدیق ایدلمدن علی العاده افراد آره سنده تعاطی ایدیلن
سندلر درکه بونلرک - حضور حاکمه اقرار ایدلش اولمادجه - خلاف مندرجاتلری هر وقت
ادعا و اثبات ایدیله بیلیر . آنجق بو قبیل عادی سندلر ، کاتب عدله تصدیق ایدیلوب
ایدلمک لرینه کوره بر طاقم احکام قانونیه تابعدرلر که موضوع بحثمزدن خارج اولدینی
ایچون بونلری تفصیلدن صرف نظر ایدیوروز .

اسکی اصول محاکمه حقوقیه قانوننک ، سندلرک قیمت و قوتلری حقنده وضع ایتدیکی
حکملرله یکی حقوق اصول محاکمه لری قانوننک بو خصوصده کی حکملری آره سنده بر
فرق یوقدر : یکی حقوق اصول محاکمه لری قانونی ده (۲۹۵) نجی ماده سنده کاتب عدل لرجه
رأساً تنظیم اولنان سندلرک ، محکمه اعلاملری کی ساخته لک لری ثابت اولونجه یه قدار
وصلاحتدار مأمورلرک صلاحیتلری داخلنده اولق شرطیله اصولنه توفیقاً تنظیم ویا تصدیق
ایتدکلری وثیقه لر دخی خلافی اثبات اولنجه یه قدار دلیل قطعی تشکیل ایده جکلرینی
تثبیت ایتشدور .

شو حالده کاتب عدل لرجه رأساً تنظیم ایدیلن سندلر تعبیر دیکرله (رسمی سندلر) ،
اسکیدن اولدینی کی قیمت قانونیه نک اک یوکسک درجه نی اشغال ایدرلر . بو سندلر ،
محکمه اعلاملریله عین درجه ده درلر . بناء علیه ، هرایکیسی حقنده یالکیز ساخته لک ادعاسی
مسموع اولابیلیر . ساخته لک لری اثبات ایدیلیرسه ، بالطبع قانوننک کنیدیلرینه اضافه
ایتدیکی قوت و قیمتی غیب ایدرلر . بوندن باشقه هیچ بر ادعا و هیچ بر مدافعه - حتی
ثابت اولسه بیله - بونلرک قوتلرینه خلل کتیره مز .

کوک اسکی وکرک یکی اصول حقوقیه قانونلرینک رسمی سندلر حقنده وضع ایتدکلری
احکامی بو صورتله تثبیت ایتدکن صکره شمدی قانون مدینک بو کی سندلر حقنده
وضع ایتدیکی احکامی تشریح ایدلم :

قانون مدینک یدنجی ماده سی عیناً شودر : «رسمی سجل و سندلرک دوغرو اولمادینی
ثابت اولونجه یه قدار مندرجاتی ایله عمل اولنور . بو مندرجاتک دوغرو اولمادینی اثبات ،
بر شکل مخصوصه باغلی دکلدور . »

بو ماده نك صراحتہ نظر آ رسمی سندلر ، دوغرو اولمادقلى ثابت اولونجه يه قادار معمول بهدرلر . بونلرك مندرجاتلرينك دوغرو اولماديفنك اثباتى ده هيچ برشكل مخصوصه تابع اولماديفنه كوره خلاف مندرجاتلى كرك تحريرى و كرك شخصى هردلو واسطه لره اثبات اولنه بيلير . يتركه حاكمه بو خصوصه عرض ايديلن دلائل ، كنديسى اقناع ايدم بيلسين .

شمى ماده قانونيه ده كى «دوغرو اولماديفنى ثابت اولونجه يه قادار» تعبيرنى تحليل ايدم : سندلرك دوغرو اولماسى ، ايكي شكلده تصور ايديله بيلير : برى يا سندك ساخته اولسى ، يعنى كاتب عدلك ويا سدى تنظيم ايدن علاقه دارلردن برينك سنده قصداً هر هانكى برشكلده بر ساخته كارلى ياقم صورتيله حقيقى تحريف ايتسى ديكرى ، سنده هيچ بر ساخته لك قصد جرميسى بولونماقوله برابر سندك هر ناصلسه ياكلش و خلاف حقيقت اولارق تنظيم ايدلمش اولسى .

بو شكللرك هر هانكىسى ماده قانونيه تطبيق ايديليرسه ، سندك دوغرو اولماديفنى و بناء عليه بو جهتك اثباتى ايله سندك معمول به اولقى امتيازندن محروم ايديله بيله جكى نتيجه سى چيقار . چونكه برنجى شقه كوره سند ساخته در . ايكنجى شقه كوره ايسه ، ساخته دكل ، فقط مخالف حقيقتدر . بونك هر ايكي سنك محصله سى بدر : سندك دوغرو اولماسندن عبارتدر . بناء عليه ، ماده قانونيه نظر آ سند ، كرك ساخته اولديفندن دولايى دوغرو اولماسون ، كرك هيچ بر ساخته لك اولمادن صرف خلاف حقيقت اولديفندن دولايى دوغرو اولماسون ، هر ايكي شكك اثباتى ممكن وقانوناً جائزدر . چونكه ماده قانونيه ده كى [دوغرو اولماديفنى] تعبيرى بالطبع هر ايكي شق شاملدر .

قانون مدنى و اصول محاكمه لردن استنباط اولنان شو احكامه نظر آ رسمي سندلرك وضعيت حقوقيلرى تعيين ايتك لازم كليسه قانون مديجه بونلرك خلاف مندرجاتنك ادعا و اثباتى ممكن و فقط كرك اسكى و كرك يكي اصول محاكمه قانون نجه غير ممكندر . بنابرين ، قانون مديجه رسمى سند ، مندرجاتنك دوغرو اولماديفنى [يعنى يوقارده كى ايضاحاته نظر آ خلافى] ثابت اولونجه يه و اصول حقوقيه جه ساخته لكى اثبات ايديلنجه يه قادار معمول بهدر .

کوریلور که ایکی قانونک رسمی سندلر حقنده تثبیت ایتدیکی وضعیت قانونیهلرنده ظاهر بر تشوش و حتی آجیق بر مابینت وارددر . عجباً بو مبابینتی تألیف ایتک امکانی وارمیدر ؟

ایکی حقوق اصول محاکمهلری قانونی (۵۸۱) نجی مادهسنده « اصول محاکمه حقوقیه ایله مواد جزائییه متعلق موادی مستثنا اولوق اوزره صلح حاکمهلری قانونی و بونلرک ذیل و تعدیللری ملقادر » دییهلرک یالکیز کندی ساحهسی داخلندهکی حقوقی محاکمه عائد اولان اصول و قواعدی الغا ایتدیکنه و کندی احکامنه مخالف قانونلری صراحة الغا ایتامش اولدیغه نظراً موضوع بحث (۲۹۵) نجی مادهسینه مخالف بولنان قانون مدینک (۷) نجی مادهسی مرعی اولوق لازم کلیر . آنجق بو تقدیده رسمی سندلرک وضعیت حقوقیهسی پک مشوش اولور . چونکه اصول محاکمهجه رسمی سند آنجق — هیچده قولای اولمایان و حتی اصول محاکمهک (۳۱۹) نجی مادهسی موجبجه بر جزا و ضرر و زیان تهدیدی ایله قانوناًده نصیب ایدیلن — بر ساختهک ادعاسنه معروض و آنجق بو ادعانک اثباتی ایله قیمتی محکوم زوال ایکن قانون مدنیجه یالکیز ساختهک دکل ، نسبةً داها قولای اولان خلاف مندرجانک ادعا و اثباتنده معروض و بناءً علیه ، قیمت و قوت اعتباریه سائر سندات و وثائق عادیة قانونیهدن هیچ فرقی یوقدر . بو صورته رسمی سندلرک دیگر وثائق قانونیهیه نظراً فضله هیچ بر قیمت و هیچ بر امتیازلری اولماینجه رسمی سند تنظیمی ایچون اختیار اولنان کلفت و مصارفده هیچ محل قالماز .

صکره اصل الک مهم نقطه : قانون مدنیجه هیچ بر حادثه حقوقیهک قطعی وایلروده هر هانکی بر نزاع و اعتراضدن سالم بر شکلده تثبیتنه امکان یوقدر . اصول حقوقیه ایسه رسمی سندلره چوق بویوک بر قیمت اضافه ایتمش و بعض حادثات حقوقیهک قطعی وایلروده هر هانکی مراسمک ایفانه احتیاج قالمیه حق بر شکلده تثبیت ایدیله بیلمسینه بحق جواز و برمشدر .

اصول حقوقیهک بالخاصه بعض معاملات ایچون پک ضروری و پک الزم اولان بو پره نسینی اعمال و ایکی ماده قانونیه آره سندهکی آکلاشاماملرنی ازاله ایچون فکرجه بر چاره وارددر :

حقوق اصول محاکمات قانونی ، کندی احکامه مخالف احکامی صراحةً الفا
ایتمامش اولدیفنه نظراً بو خصوصده بر الغای صریح یوقدر . آنجیق بو قانون قانون
مدنیدن مؤخر اولدیفنه و مؤخر اولان قانون احکامی ، مقدم اولان قانونک احکام
متخالفهسنی ضمعناً الفا ایدمه جکنه نظراً اصول محاکمات قانونی قانون مدنیک یدنجی
ماده سنک یالکز رسمی سندلرک خلاف مندرجاتک اثبات ایدیله بیله جکی حقنده کی حکمی
[الغای ضمی] ایله الفا ایتمشدر . بو نظریه قبول ایدلیدیکی تقدیرده هم موضوع بحث
ایکی ماده آره سنده کی آکلاشامالزلق تألیف ایدلش و همده رسمی سندلرک معاملات
عمومیهده حائز اولدقلری قیمت و عین زمانده قانوناً کندیلرینه بخش ایدلش اولان
یوکسک موقع ، محتمل اعتراضدن سالم بر شکله محافظه ایدلش اولور .

آناطولی - بغداد دمیر پولاری آووفاقی

عربی

قانون مدنی

صائم حسین

قانون مدنیدن صوکره

تسمیه مهر مشروعیدر؟

ازمیر آووفاقلرندن ابراهیم ادهم بك افندی ، ازمیر برنجی کاتب عدلک تردندن
ملهم اوله رق یازدقلری مقاله دن مستفید اولمقلغمه رغماً ؛ حسب الوظیفه رد ایتدیکم
مراجعة تلوک اسمعانی رونیچ ایدن نقطه نظرلری ، یالکز ملاحظاتی تقویه ایتمکدن
عبارت قالدی .

ابراهیم ادهم بك افندی ؛ مقاله لرنده ایکی تهزی بردن حل ایتمش کورونیورلر .
بری ، حالا تسمیه مهرک مشروعیتی ؛ دیکری معجل ویا مؤجل اولدیفنه کوره شکل
تأسیسک احکام عمومیهیه موافقتی در .
صاحب مقاله مهرک حالا مشروعیتی تأمین ایدن پیسقولوزیک بر سبب اوله رق